

**Najib Puji Chong Wei Kerana Menjuarai Kejohanan All England 2014**  
**Bername**  
**10 Mac, 2014**

KUALA LUMPUR, 10 Mac (Bernama) -- Perdana Menteri Datuk Seri Najib Tun Razak memuji Datuk Lee Chong Wei kerana menjuarai kejohanan badminton All England 2014 di Birmingham, England awal hari ini (waktu tempatan).

Chong Wei, pemain perseorangan nombor satu dunia itu membenam musuh tradisinya Chen Long dari China pada final dengan mata 21-13 dan 21-18.

"Chong Wei telah membuat Malaysia bangga sekali lagi. Beliau begitu tabah dan kuat azamnya. Satu tindakan yang mempunyai kelas untuk diingati buat jangka masa yang panjang," kata Najib dalam akaun Twitternya hari ini.

Dalam tweet berasingan, Najib berkata: "Chong Wei baru sahaja menelefon saya dan isteri saya. Kami memberitahunya betapa bangganya kami atas kemenangannya."

Chong Wei pernah meraih kejuaraan itu pada 2010 dan 2011.

-- BERNAMA

Copyright © 2014 BERNAMA

Source: <http://www.bernama.com/bernama/v7/bm/newsindex.php?id=1020607>